



ЧАННАЦУЖУ

«ЗВЕЗДА»

18 ноябрь 2016ш

ножмар

№ 46 (6527)

Багы 2 кыруш

Газета буклаккиссар
1951-ку шинал
ноябрьдания шинмай

Учредитель: Ккуллал районналул администрация
Кулинская районная администрация

Конкурс

Шинал учитель хьун

Районналул школар дай най диркунни «Учитель года 2016» цла ласун сса конкурсерал цалчинмур этап.

Микку ххув хьусса районналул школардаясса учительтал гьуртту хьанай бур Ваччиял школалый ноябрьданул 16-нний дайдирихьусса районналул лагрулийсса конкурсраву. Шикку ххув хьусса учитель гьантгий ур республикалул уичтельтурал дянив хьана хьусса конкурсраву гьуртту хьун.

Суратрай: конкурсравух гьуртту хьана хьусса Ваччиял школалул



обрус мазрал ва литературалул дарс дихьлахьисса М.Мяьсудова, комиссиялул хььичи цала дарс дихьлай

Ниттил кьинилун хасну

Вай гьантрай, 12-нний ноябрьданул, Ч1яйннал досуговой центрданул ва шяраваллил библиотекалул зузалтрал, шяраваллил библиотекалаву т1айла дурккунни лахьа хьунну ниттил кьинилул байран.

Шиккун х1урматрай оьвкун бувк1ун бия, шяравусса ч1ярусса шиннардий зий бивк1сса, кулпатру тарбия бувсса ниттихьул.

Нитихьан хас дурсса байранналул вечер т1ит1лат1исса ихтилат бувна шяраваллил досуговой центрданул директор Алхасова Салих1атлул. Мунил дак1нихтуну барча бувна шиккун бавт1усса ниттихьул му кьинилуштал, ч1а увкуна, миннун ц1уллушиву, талих1, кулпатинная тирхханну. Мукуна ихтилат бувна ниттихьул барча буллалисса шяраваллил библиотекалул директор Ибрагьимова Гулял.

Вечерданийн бук1миннава ниттихьул барча буллалисса ихтилатру бувна Рамазанова Саманиятлул. Мах1аммадова Минажатлул, Ибрагьимова Пахайл, Маммадиева Пат1иматлул, Шагьабуттинова Гулял, Кьурбанова Майсаратлул.

Нину-му хьанай бур гьарицаннангу яла ххирамур инсан, му бур ужагьрай гьелишиву я дуву, кулпат тарбия бувугу, зах1матчигу, ц1уллушиву дулуннав ниттихьахьхьун, увкуна цила ихтилатраву Шагьабуттинова Гулял.

Вечерданий цинявннан нах1у бивзуна Амирова Зульфийал бувсса чуттурду ва Кь-Мах1аммадова Замирал бувсса буркив.

Ахирданий ниттихьан хас бувну увкуна балайрду, бувккуна назмурду, бувна тяхьасса ссух1ват.

Ц1уллушиву дулуннав зухьхьун аьзисса ниттихьул!

А.Аьбуддлаев

Призывникнал кьини

Ноябрьданул 15-нний жула билаятрай к1иц1 лагайссар призывникнал кьини.

Мунил дайдихьу хьуссар 1992-ку шиная шихун най, АьФ-лул Президентнал итабавкьусса х1укмулийн бувну. Призывникнал кьини ккаккан дурну, к1иц1 лагаврил мурадну хьанахьиссар аьралуннаву кьуллугь баврил сий гьаз даву, жагьилтал буттал клану ххирану, му буруччин х1адурну бикланну тарбия буваву.

Призывниктуравун багьайссар 18 шиная 27 шинан бияннинсса жагьилтал, цийгу аьралуннаву кьуллугь буллан гьан аьркинсса.

Аьралуннаву кьуллугь буллан жагьилтал буцаву дувайссар шинай к1ийла: апрелланул 1-нния июлланул 15 нний ва октябрьданул 1-нния декабрьданул 31-нин.

2008-ку шиналнин аьралуннаву кьуллугь буллалаву дувайссия 2 шинайсса, 2008-ку шинал январьданул 1-нния шихун май бувцуминнал дувайссар ца шин.

Ноябрьданул 15-нний призывникнал кьини к1иц1 лаглай билаятрал шагь рурдай, районнай хаснува аьскартурал частьру дусса кланттурдай дувайссар личи-личийсса буттал клану ххирашивруц1ун,

буруччавриц1ун дарх1усса мероприятиярду.

Гьашину шинал ахирданийнин билаятрая аьралуннаву кьуллагь буллан гьантгий ур 152 азара призывник. Жула республикалия интту т1айла бувккуссия аьралуннаву кьуллугь буллан 1790 призывник, миннава 300 МВД-лул аьралуннаву кьуллугь буллансса. Ссуттилсса призыврал ч1умал Дагьусттанная аьралуннаву кьуллугь буллан т1айла уккантгий ур 1500 призывник. Цуппа ссуттил т1урча комиссия бувну, ц1уллушиву ххал дигьин уцинтгий ур 40 азара жагьил хьиривсса ч1умуву аьралуннаву кьуллугь буллан гьан аьркинсса.

Аьралуннаву кьуллугь буллан нанисса призывникнал гай кьуллугь буллан нанисса часть равун бачиннин дуллалиссар военныйнал лаххия, га кьуллугь буллан нанисса аьралуннал янналул кьай далийсса.

Жула регионалиягу инттухунмай тамансса призывниктал аьралуннаву кьуллугь буллан бувцуссия. Кьуллугь буллан буцлациминнавугу ч1явумий ларайсса клул шиву дусса призывниктал бия.

Суратрай: инттусса призыврачал



Спорт

Ка дишаврил бяс-ччал

Уттигьанну Ккуллал 2-мур школалый хьунни 10-11-ми классирттал дуклакки оьрч1ал дянивсса ка дишаврил (армспортрал) бяс-ччал. Ва бяс-ччал хас бувну бия ва школа кьуртал бувсса дунияллул к1ийла чемпион Чупалав Оьмаровлул аьпалун.

Бяс-ччалливу 14-15 шин хьусса дуклакки оьрч1аву цалчинмур клану бувгьунни Исупаев Ирбагьиннул (к1и рагу ка дирхьуну). 16-17 шин хьуминнаву цалчинсса клану бувгьунни Шамхалов Аьбуллул.

Ва бяс-ччал сакин буваву ва т1айла букваву дурна физкультуралул учитель М.Р.Тилиевлул каялувшин наралу.

«Почта Банк» т1ит1ин

Дагьусттаннал Х1укуматрал председателналул заместитель Шамиль Исаев хьуна авкьунни ПАО «Почта Банкрал» президент-председатель Дмитрий Руденкошчал. Ва хьунаакьаврий ххал бивгьунни жула Республикалийгу ПАО «Почта Банкрал» филиал т1ит1аврил ялывсса масъала. Т1ивт1усса банкрал филиалгу биклантгий бур Москвалливсса мунил хьунмур офисрал канилу.

Дмитрий Руденкал бувч1ин бувавийн бувну банкрал филиал т1ит1иннин микку щаллу дуван аьркиншиву банк шуруци бан бьохьайсса гьарцагу шарт1ру.

Шамиль Исаевлулгу умуд бивхьунни ва банкрал филиал т1ит1айхту диялсса кьулайшиннарду хьунт1ишиврий агьалийнан банкрал каша-сурсаатру ишла давриву.

Хьуна бакьаврий х1укму хьунни шинал ахирданийнин кьут1и чичин, 2017-ку шинал 1-мур кварталаний т1урча ПАО «Почта Банкрал» филиал республикалий т1ит1ин.

М.Х1абибов,
«Дагьправдалия»

Ноябрьданул 16-ний Ш. Чаллаевлул 80 шин там хъуссар

Яла яргма ва бюхттулма

Циняв ца хъуну кӀицӀ къалагарчагу, ва шинал ноябрьданул 16-ний 80 шин там хъунни тгизаманнул композитортураву ца яла яргма ва бюхттулма композитор Ширвани Рамазанович Чаллаевлун


КӀулсса куццуй, Дагъусттаннал ва РСФСР-данул халкъуннал артист, АьФ-лул паччахӀлугьрал (1997ш) ва АьФ-лул ХӀуку матрал (2005ш) премиялул лауреат Ш.Чаллаев увссар Хъусрациял шяраву.

МахӀачкъалалий музы кальный училище къуртал бувну махъ дуклан увхху ссар Москвауллал паччахӀ-лугьрал консерватория лувун, 1964-ку шинал му къуртал бувссар марцӀну ххювардай ва 1968-ку шинал къуртал бувссар аспирантура профессор В.Г.ФеречӀа. Тания шинмай Ш.Чаллаевлул чивчуссар арулва опера, кӀива балет, кӀива симфония, къуния цара концерт, цикссагу произведениярду камерный, симфонический ва вокальный музыкалул. Тамансса кинордацӀун, пьесардацӀун чивчуссар музыка, Ширвани авторья Дагъусттан Республикалул гимнралгу.

Ширвани Рамазановлул хъхъичӀва-хъхъичӀ чивчусса ва ккаккан бувсса

хъанай бур опера «Горцы» (Ленинградрай 1970-ку шинал), муния махъ оьрчӀансса опера «Маугли» (Р.Кимплинглун хаварда нийн бувсса, 1977ш), цувгу ккаккан бувсса 1981-ку шинал Москваливсса оьрчӀал музыкалул центральный театрдануву, хъирив «Король лир»(1981ш), «Читая дневники поэта Э.Капиева (1985-ку шинал Б.Покровский камерный музыкальный театрданул), «Наследство», «Хаджи-Мурат», «Казаки», (Л.Н.Толстойл произведениярдайн бувну чивчусса); балетру- «Камалил Башир» (1975ш), «Хан Гирей» (Пушкиннул «Бахчисарайский фонтан» поэмалийн бувну (1975ш).

Мукунма Ширванинал чивчуну бур ораторияртту, кантантарду М.Аминовлул, Б.Рамазановлул, Р.ХӀамзатовлул, Батырайл, Адаллал мукъурттицӀун бавхӀусса. Камерный оркестрданий щаллу буллан чивчуну бур Дикенслул, Г.Лоркил, Есениннул, Фетплул, Пушкиннул, Лермонтовлул мукъур



ттий щаллу бувансса.

Композитор цува зунт-тавух, щархъавух занай бавтӀуну, бакьин бувну итабавкъуну бур 500-ннир ххишаласса халкъуннал ба-

лайрду. Гъай-гъай, миннаву цинмасса кӀану бугълай бур лакрал халкъуннал макъаннал ва балайрдал.

Гостелерадиофондраву бур Ш.Чаллаевлул чивчусса

20-ннин бивсса музыка. Миннуву яла язи бугъансса бур «Дагестанские напевы» (М.Аминовлул мукъурттийсса) оркестрдану-щалсса концерт, «Лакские песни» авторнал щаллу буллалисса. Анжагъ лакралсса бакъагу Ш.Чаллаевлул бавтӀуну, бакьин бувну итабавкъуну бур яруссаннал, даргиял, лазгиял ва цаймигу миллатирттал макъанну-балайрду.

КӀицӀ лавгсса куццуй, Ш.Чаллаевлул музыка чивчусса «Канатоходец», «Тайна синих гор», «Сказание о храбром Хочбаре», «Ласточки прилетели» кинофильмардацӀун.

Билаятрайх, дунялайх цӀа дурксса композиторнал музыка, гъай-гъай цинявннан ххуйну къабувчӀай. Мигу бикӀай жула художественный самодеятельностирдаву щаллу буллалисса музыка бакъа, ца мур музыкалия къабувчӀайсса, хавар бакъасса. Миннайгу аьй дакъар, цибанссар миннан музыкалул хӀал муксса бакъа къакӀулний

Барчаллагъ вил каруннин, кӀарттлул ччаттлул

Уттигъанну шагърулия лаккунмай нанисса ххуллий, даимангу Ххажалмащилий бацӀан байсса маршрутка, пассажирнал тавакьюрайн бувну бацӀан къабувна. Ихтилат багъуна кӀарттлул ччатӀуя, Ххажалмащилив бахлаххисса кӀарттлул ччатӀ, бьвкъукун, барчаман, резина кунма,бухъан къашайр тӀий бия. ЧчатӀуй аьй рищлащаву къаххуйссар учай, амма иникӀма дайни разрыхлитель, добавкарду дичлай, мунил тӀин зия буллангу къабучӀир.

Ваччав Абдулгъанинал магазинналучӀа кунма нахӀусса кӀарттлул ччатӀ чувкӀуй къабикӀайри, кӀи хава ласунну, нахӀува - нахӀусса кӀарттлул ччатӀ тӀий бия, шагърулия лаккуйнай наними. Муния махъ мьяжаннугу миннал тӀутӀимур тӀайлашиву ттунма тасттикъ хъуна Ваччав Абдулгъанинал ттучанналучӀасса ччатӀ

къанкъ дусса

ххал букун, Барчаман, нахӀушиву, нисирахун!

Шикку укун нахӀусса цил багъайкунсса кӀарттлул ччатӀ,тӀайннуй цӀугу дирхъун шахълай бур, Ккуллал шяравасса дакӀ хъинсса, каругу мусилсса зунттал душ Буржунова Патка.

Барчаллагъ вин паткай, вил каруннингу барчаллагъ кӀарттлул ччатӀул къанкъ дусса!

Къавих хъанай бухур ча бухъхьяира ххал бан, зула шаппа кӀарттлул шахълай биакӀсса кунма нахӀусса, тӀин-тӀааьн бусса кӀарттлул ччатӀ бурив-бакъарив ккаккан! Зула - зула шяраваллавугу укунсса кӀартту бувну, ччатӀ шахълай зунмагу мюнпатранну, жямат рангу къулайшиннанну зунсса каши-къудрат зухъхунгу дулуннав!

А.Абдуллаев

АцӀва зурул мутталий

2016-ку шинал ацӀва зурул мутталий районналлул центр занятостьрайн бувкӀуну бур 520 инсан, цийгу даврих лутлагисса, пособия тӀалав буллалисса, дуклан гъанччисса, ва личӀи-личӀисса цӀуххавуртту дуван бувкӀесса.

320 даву дакъа ливчӀми лавсун бур сияхӀрайн, вайннавату 250 даву дакъа ливчӀминнан бивхъуну бур пособие.

Вай ацӀва зурул мутталий цала хӀарачатрайну ва центр занятостьрал кумаграйну чӀумуйнуса ва мударнасса даврихун бивчунун бур 98 инсан.

ЧӀун дияннин пенсиялийн тӀайла увккун ур 3 инсан.

40 организация ххал дурну дур даврил шартӀру законналийн таргну дурив дакъарив, ххал дуллалисса организациярттал каялувчитурахъхъун дуллуссар 40 предписанияртту цацӀара ляркъусса охрана трудалул нарушенияртту дукъан дуваратӀисса.

10 бюджетный организациялий ххал дурну дур зузалтран буллалисса харжи тӀайлану бурив, харжи ккаккан баву тӀайлану бувну бурив, коллективный договоруй дурив. Даву дакъа ливчӀминнан пособия булуну бур 1миллион ва 500 азарда къуруш.

Махъсса чӀумал рес-

публикалул чӀярусса организациярттай хъанай дур сокращенияртту. Агарда мукунсса сокращение хъуннай духъурча, организациялий, предприятиялий трудовой кодексрайн бувну работодателнал чичин аьркинссар кӀива зурул хъхъичӀ приказ сокращение хъан ахъисса. Му приказращал кӀул уван аьркинссар сократить уван нанисса зузала, къулбас дуван увну. Сокращения хъан ахъисса организациялул информация баян буван аьркинссар центр занятостьрайн кӀива зурул хъхъичӀ. Агарда цила чӀумуй ва информация центр занятострайн баян къабарча, работодателная дур хъунисса аькӀри.

Даврия бувкӀесса инсантураха дур хъуннасса аякъа дуллай хӀукумат, мунияту гъарца нюжмардий жу баян бувайссар Министерствалийн жула районналий даврия увкӀесса инсан-

турал аьдад, ва мий ссайн бувну бувкӀессарив. Мунияту гъарца работодателнан аьркинну бур баян буллан центр занятостьрайн цала организациялия, предприятиялия даврия букъан буллалисса инсантурая, щаллусса зузи къини буван каши дакъасса харжи булун къашаврийн бувну. Агарда мукунсса бухъурча зузалаща цащавагу бюхъайссар центр занятостьрайн баян буван.

Сокращениялийн бувну укъан увсса зузала аьркинссар кӀира нюжмардул мутталий центр занятостьрайн учетрай ацӀан. Мукун укъан увсса зузалан булун аьркинссар 2 зурул выходное пособие средный зарплаталул размерданийсса. Агарда шамилчинмур зуруй даву къалякьирча мунал центр занятостьрал справкалийн бувну булайссар шамилчинмур зурул пособие. Шанма барз лагайхту центр занятостьрал бишайссар пособие по безработице.

А.Д.МахӀаммадов



Всероссийский ежегодный литературный конкурс «ГЕРОИ ВЕЛИКОЙ ПОБЕДЫ-2017»



Российское военно-историческое общество
 Министерство обороны Российской Федерации
 Министерство образования и науки Российской Федерации
 Министерство культуры Российской Федерации
 Российская государственная библиотека
 Издательский дом «Не секретно»

Щалааьрасатнал гьарцашиналсса литературалул конкурс «Герои Великой Победы-2017»

Буттал кІантул цІанийсса Хьунмасса дяввилу Совет саллатІнал ва аьрасатнал аьскартурал дурсса кьучагьшиву абад даву ва я шаву мурадрай, мукума цаймигу дяввилул питнардавух гьуртту хьусса военнослужащійтурал Ваганталул дазурду дурчлай дурсса кьучагьшивурттая дакІний личІаву мурадрай. Жагьилсса ник буттал кІану ххирану, виртгаврал-аьскартурал кьучагьшивурттая пахру буну, Аьрасатнал военно-исторический ирс я шаву мурадрай, конкурс хІадур буллалимий баян буллалиссар Щалааьрасатнал литературалул конкурс «Герои Великой Победы-2017» яла ххуймур хавар, назму ва бусалларайсса балай, тарихисса ва военно-патриотический мурад бусса чичавриву.. Конкурерайсса информация буссар сайтраву: [http:// героивеликой победы. рф.](http://героивеликойпобеды.рф)

Конкурс сакин буллалими;
 Аьрасатнал военно-исторический общество,
 Аьрасатнал Федерациялул обороналул Министерство,
 Аьрасатнал Федерациялул дуккаврил ва элмулул министерство,
 Аьрасатнал Федерациялул культуралул министерство,
 Аьрасатнал паччахІлугьрал библиотека.
 Издательский дом « Не секретно»

Бюхьарча-Гьумукун, кьабюхьарча - Лавашав

Райлнналийсса зузалт ран харжи булаву банкрал карточкардайн дирчуну дулаву, чІявучин кьулайсса ишну чІалай буссия. Цанча ча, районналий банк бакъа хьувкун. миннул тІивтІусса банкоматирттая цанна аьр кинсаксса арцу ласун бюхь лдй бия. Му кьулайшинна яла-яла Россельхозбанкрай счетру тІивтІуминнан дия. Цукунни учирча- районналий му банкрал банкомат тІивтІуну зий бия Сбербанкралмур банкомат тІитІинтІиссар тІинма ливчІуна. Вана утти Россельхозбанкралмур банко



матгу цал зия шавай, яла арцу духларгссар чавай мунилсса байма акъа цала клеентьтал азурда буллай. Утти цибанссар туну; бюхьайма гьанссар Гьуму ча банкоматрая ласун, кьабюхьаймагу - Лаваша ласун

13 ноябрь -Щалагу дунияллул мурчІиминнал кьини **МурчІиминнах жамятрал кьулагъас**
 Щалагу дунияллул здравоохранениелул организациялул сипталлий, 1984-ку шиная байбивхьун, ноябрьданул 13-ний кІицІ лагайссар ва кьини. Ва тарих язибувгьуссар му кьини увеса франциянал педагог Валентин Гаюнал хІурматран. Га хьуну ур мурчІисса оьрчІру дуклакки бан школа тивтІусса дунияллий цалчинсса инсан.



Му школа В Гаюин Парижлив тІивтІуну бур цала арцух 1784 шинал, я паччахІлугьрал, я хьинбалартту байминнал чулуха кумаг бакъа. Школалул цІагу дирзуну дур «Зузисса мурчІиминнансса дуссу кьатта».
 Му школаллий цал дуклан ивкІун ур мурчІисса 12 оьрчІ, ганал цала хІадур дурсса кьядарттай, ганал ляхъан бувсса «унциала» тІисса шрифтрал кумаграй.
 Га шрифтрал кумаграй мурчІиминнан буккин лахьхьин бувну бивкІун бур. 1829 шинал тІурча Луи Брайннул ляхъан бувну бур цамур, уттинингу щала дунияллий ишла буллалисса

шрифт.
 Валентин Гаюи мурчІиминнал лахьхьин баврил даву Аьрасатнавугу дуллай ивкІун ур 1807 шинал Санкт-Петербург рай тІивтІун бивкІун бур зузисса мурчІиминнал Институт-жула билаятрал мурчІисса оьрчІан тІивтІусса цалчинсса дуккаврил идара.

Статистикалул хІучардайн бувну, цІана щала дунияллий бур чанннал чулуха заэвсса 161 миллион инсантурал. Минная 37 миллион- мурчІи хьуну ци-чІар кьачІалачІисса. Миннаватугу 1,4 миллион ацІния ххюра шинавун биянинсса оьрчІру. Щалагу дунияллул мурчІиминнал кьини дурну дур, яруннан чани бакъасса инсантурах жамятрал кьулагъас дуллали баншиврул, миннал оьрму ххуй бан, каши гьарта дан кумаг булланшиврул.

ХІурмат бусса газета буккулт!
Най дур 2017-ку шинал 1-мур дачІи шинал букІлансса
« ЧАННАЦІУКУ »
 газетрайнсса подписка даву
ДачІи шинал мутталий букІлансса газетрал багъа 182 кьуруш ва 46 кІанІикІри
ЧІун дунува чичара жула районналул газета « ЧАННАЦІУКУ »

<p>Редакциялул адрес 368390, Республика Дагестан Ккуллал район, ш.Ваччи</p> <p>Издательнал адрес: Республика Дагестан Ккуллал район, ш.Ваччи</p>	<p>Газета регистрировать бувсар РФ-лул МТПР-лул Южное межрегиональное управлениялул. Регистрациялул номер ПИ № 10-4202</p>	<p>Хьунама редактор А.И. Къянчиев</p>	<p>Газета бавтІуссар «ЧаннацІуку» газетрал редакциялул компьютердай, бившуссар ГАУРД «Издательский дом «ДАГЕСТАН». Типографиялул адрес: 367018. МахІачкъала, пр. Насрутдинова 61,</p>	<p>Буккайссар ножмардий цал, Индекс: 51317 тираж 650 экз. Газета итабакьин кьулбас дайсса чІун 17. 00, кьулбас дурсса чІун 16.00</p>
--	--	--	---	--